

جَزَائِرَ حَاكِمَتُ

جمعه ایرتسی

نومرو	ذی القعدة	سنة	مارت	سنة	حیف
۹۷۲	۱۸	۱۳۱۵	۲۸	۱۳۱۴	۱۳۸۶۹

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکریمی فروش)
 (حسابیه التمش فروشدر . طشره لر ایچون اون بش فروش پوسته اجرتی ضم اولنور . بهر)
 (نسخسی ینه مجیدیه یکریمی فروش اولق اوزره یوزپاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دأره سنده کائن جریده محاکم اداره سنه مراجعت ایلیلدر)

قسمت سیمی

(۲۲ شوال سنه ۳۱۵ و ۳ مارت سنه ۳۱۴)
 (تاریخیه درسعات و بالجه ولایات استیناف)
 (مدعی عمومیلکرینه یازیلان تحریرات عمومیه)
 (صورتیدر)

اصول محاکمات حقوقیه قانوننک التیمی
 ماده سنک اوچنچی فقره سنده اصحاب دعاوی

طرفلرندن محکمه یه تسلیم وتودیع اولنان کافه
 سندات واوراقك عدد ونوع وتاریخلری ایله
 خلاصه لری درحال قید اولنه رق زیری رئیس
 وضبط کاتبی طرفندن امضا اولنق اوزره بردفتر
 طوتیله جنی وسکرنجی ماده سنده دخی اوراق
 مبرزه دفتر مخصوصنه بوجه مشروح قید ایدلد
 کدن صکره اصحابنه محکمه نك باش کاتبی طرفندن
 مقبوض علم وخبری ویریه چکی مسطور اولدینی
 حالده شوجبورت قانونیه ا کثر محاکمه رعایت
 ودقت اولنمیوب اوراق مبرزه نك حفظ وضبطنده
 کوستریلان مسامحه سببیه بعض اوراق مهمه نك

جایجا دعوی اوراقی میاننده غائب وضایع اولدینی مسبق الامثال اولسنه ودفتر مخصوصنده مقید و مضبوط اولماق و احصائی یدنده برکونه ورقه مثبته بولنماق ملائسه سیله تعیین مسؤلیت مستحیل حکمنده اوله رق بویاسه برطرفدن انضباط معامله به مقایر و احصای دعوی به مضر بولنسنه بنهء بعدما مادنین مذکورترین احکامنه توفیق معامله اولنسی لزومی امور حقوقیه مدیریتندن باتذکره افاده قلمش و مأموریتکنز داخلنده بولان محاکمه لاجل التبلیغ اشبو تحریراتک نسخ مطبوعه کافیه سی لفا کوندیش اولمغه اولوجهله ایضای مقتضای سیاقنده .

واردہ قسمی

اوجیوز اون ایکی سنه سندن دور اولان	۸۵۶	
اوجیوز اون اوچ سنه سی مارق ابتداسندن شباط غایه سنه قدر وارد اولان	۱۷۷۵۱	
یکون	۱۸۶۰۷	۱۸۶۰۷

۱۸۳۵۲

صادرہ قسمی

دعوی حقوقيه دائر اولوب تمیز حقوق دائره علیه سنه تودیع قلنان مطالعه نامه	۸۵۹	
جنایت و جنحه و قباحته دائر محکمه تمیز جزا دائره علیه سنه یازیلان تبلیغنامه	۴۲۱۹	
نقل دعوی و مقسوخیت و وظیفه و صلاحیت و مرور زمان حقننده محکمه	۱۰۰۰	
تمیز استدعا دائره علیه سنه یازیلان تبلیغنامه	۷۵۵۲	
یازیلان تذاکر و محررات و تلغرافنامه	۳۷۱۵	
باظهريه دوار عائدہ سنه کوندیریان	۳۷۱	
اوراقله برلشیریان	۲۸۱	
اکمال نواقصی ایچون با تحریرات کوندیریان	۳۵۰	
معامله لازمہ سی بالاجرا ابطال ایدیان	۱۸۳۵۲	۱۸۳۵۲

۲۵۵

۲۵۵

۱۲۷

تدقیقاتی بالاجرا در دست تبیض و تمیز بولان

۱۲۸

اوجیوز اون درت سنه سنه دور اولان

بالاوه کوندیریکی وجهله محکمه تمیز باش مدعی عمومیک دائره علیه سنه اوجیوز اون اوچ سنه سنه سابقه دن دوراً موجود بولان ۱۸۶۰۷ طاقم اوراق دعاویدن ۱۸۳۵۲ سی رؤیت اولوب متباقی ۱۲۸ اوراق اوجیوز اون درت سنه دور ایدیریکی قیداً اکلانلیدی معروضدر .

قسم غیر رسمی

واعطا قلنان رابور مألندن اکلانلیدندن صکره جریان ایدن محاکمه و تدقیقات نتیجه سنه مذکور صلحنامه ده کی امضا کریا کی قادیانک امر واجازتیه آخر طرفندن موضوع اولدینی اولبایده تعیین قلنان اهل خبره معرفتیه اجرا قلنان تدقیقاتدن واستماع اولنان شهودک شهادت لرندن اکلانلش اولسنه مبنی منازع فیه عرصه یه مزبورہ کریا کی قادیانک وقوع بولان مداخله سنک منعه حکمدن واشبو حکم علیهنده مستدعی تمیز کریا کینک باشلوجه اعتراضی صلحنامه ده کی امضا ذات دعوا به تعلقی اولیان بر شخص آخر جانبندن وضع ایدیریکی مرتبه ثبوت و اصل اولسی حسیله ارتق اهل خبره جه تدقیقات اجرا سنه محل قالمیه رق مسئله محکمه استینافیه نک وظیفه سنه انتقال ایتش و شایان تدقیق برجهت و ادایسه اوده مذکور سندده محرر امضانک کندی امریله یازیلوب یازلامش اولدینی مسئله سندن عبارت بولنشیکن اهل خبره جانبندن خلاف قانون اوله رق تنظیم واعطا اولنان رابورک محکمه استینافیه جه معتبر طوتلمسی مخالف قانون اولدینندن بحثله اعلامک تقضی و مدعی علیها وانکلیا قادیان طرفندن ویریلان لایحه جوابیه نک نتیجه مؤداسی دخی اعتراضات واقعه واهی اولوب مزبورہ نک امریله

(باندرمده ساکنه وانکلیا قادیان ایله موقه)
(بک اوغلنده سرکز زقاغنده ایکی نومرولی)
(خانه دهمه قیقه کریا کی قادیان یننده متحدث دعوا به)
(دائر قره سی بدایت محکمه سندن ویریلان ۱۰)
(تشرین اول سنه ۳۱۱ تاریخی و قرق ایکی عددی)
(ایله ویریلان اعلامدن مابعد)

شهودک مقبول الشهادہ اولمدقلمری عندالتز کیه اکلانلشغلہ مدعی مزبورہ وانکلیا قادیانک طالبه تحلیف اولدینی حالده مدعی علیها اولان کریا کی قادیانک لزوم تحلیفنه دائر ویریلان قرارک عند الاستیناف تصدیقی حاوی صادر اولان اعلامک صلحنامه کی امضا انکار اولنشیکن تطبیق خط و خاتم قاعده سنه توفیق معامله اولنماسندن طولانی محکمه تمیز استدعا دائره سنجه نقض واعاده اولنسی اوزرینه محکمه مذکورہ جه امضای مذکورک اهل خبره حواله سیله مزبورہ کریا کینک امریله شخص آخر طرفندن وضع اولدینی تنظیم

صاحب نامه یا لکتر شخص آخره طرفندن امضا
ایدلیدیکی ثابت اولمسیله اعتراضات مذکورہ مک
ردی و موافق قانون اولان اعلام مذکور تصدیق
استدعا سندن عبارت بولمیشدر .

ایجابی مذاکره اولندقدہ اعلام مذکور
مندرجاتندن منقہم اولدینی وجہله مستند ادعا
اولان سندن مدعی علیہا کریاکی قادینک امضا
و ختمی حاوی اولیوب سندن مذکورہ مدعی
علیہا مک امریله آخری طرفندن وضع الامضا
ایدلیدیکی ادعا و اعاده اولنش و بوحالده بمنزل
معرفتیله تدقیق خط و خاتم جهتہ کیدلک قابل
اوله میوب مبلغ مدعاہک قیمتی بش بیک غروشدن
زیاده ایسه بنیہ تحریریه ایلہ و بش بیک غروشدن
دون اولدینی تقدیرده شہود شخصیه ایلہ مدعیہ اثبات
مدعا ایتدیرلک و ہر ایک صورتله اثباتدن اظہار
عجز ایدلیدیکی حالده دیگر طرفہ عین تکلیفیله فصل
مدعا ایدلک مقتضی بولنش ایکن محکمہ مذکورہ جہ
بوداثرہ قانونیہ دہ معاملہ اولنامسی قانونہ مقایر
اولدیفنہ بناء اصول محاکمہ حقوقیہ قانوننک ایکی
بوز اوتور ایکنجی مادہ سی موجینجہ اعلام مذ
کورک نقصنہ و ایکبوز قرق دردنجی مادہ سی
محکمہ توفیقاً صور محررہ دائرہ سندن کیفیتک بالروہ

اعلام مذکورک خلاصہ مالی خزینہ

مشار الیہا و کیلی جمال الدین افندی صورقصہ سی
جوارندنہ واقع رأس العین چفتلک ہمایون مشتملا
تندن بولنان ارض الحراب الحوانی نام ارضیدن
اوجیوز اون بش زراع محلنہ مومی الیہ داود
ایوب افندی جانبندن واقع اولان مداخلہ نک منعی
طلب و ادعا ایتش ایسہ دہ محل مذکورک
مومی الیہ داود ایوب افندی عہدہ تصرفندہ
اولدینی اولبابدہ اجرا قلنان کشف ایلہ تحقق
ایتدیکی بیانیلہ خزینہ و کیلینک رد ادعاسنہ دائر
صور بدایت محکمہ سندن صادر اولان اعلامک
عندالاستیناف فسخیلہ اجرا قلنان محاکمہ و تد
قیقات نتیجہ سندن محل منازع فیہک چفتلک
مذکور اراضی مشتملاتندن بولندینی قومیسون
مخصوصنہ اعطا اولنوب خزینہ مشار الیہا و کیلی
جانبندن ابراز اولنان برقطہ خریطہ مندرجاتیلہ
ثابت اولسنہ مبنی مومی الیہ داود ایوب افندی
منع مداخلہ سیلہ اراضی مذکورہ نک ارض
الحراب الحوانی نام اراضی سنیہ الحاقہ قرار
ویرلیدیکندن و مستدعی مومی الیہ داود ایوب
افندی اشبو اعلام علیہندہ کی اعتراضاتک
باشلو جہ سی کندوسنک محل منازع فیہ تصرفی
مضمونیلہ عمل جائز اولان حجت شرعیہ وسندات
رسمیہ ایلہ ثابت ایکن اوراق مذکورہ مندرجاتی

ایجابی مذاکره اولندقدہ اعلام مذکور
مطالعہ سندن ا کلاشلدینی اوزرہ منازع فیہ اولان
محل حقندہ خزینہ مشار الیہا نک اقامہ ایدلیدیکی
ملکیت دعواسنہ قارشو مومی الیہ داود ایوب
افندی نک کرک بدایہ و کرک استینافاً اجرا قلنان
محاکمہ اثناسندن منازع فیہ اولان محلی شراء
متصرف اولدینی و دعوا دہ مرور زمان بولندینی
مدافعہ بیان ایلہ اولبابدہ برطاقم اوراق ابراز
ایتش اولسنہ و دفع مذکور حقندہ خزینہ مشار

الها جانبیدن دخی اعتراض ایدلسنه کوره محکمه مذ کوره جه اولبايدء تدقیقات لازمه اجرا وطر- فینک ادعا ومدافعاتی یکان یکان تدقیق ایدیلهرک تبین ایدءجك حاله کوره کیفینك اسباب موجبۂ قانونیه مقارن اولهرق تحت قراره ربطی مقتضی بولنش اولدینى حالده یالکز خزینء مشارالیها وکیل جانبیدن ابراز اولنان خریطه به بنای حکم ایلء تدقیقات سائر اجراسندن ذهول اولنمسی مخالف قانون بولنش ومعاون مومی الیهك مطالءه سی شایان قبول کورنمش اولدیفنه بناء اصول محاکمه حقوقیه قانوننك ایکی یوز اوتوز آیکنجی وایکی یوز قرق برنجی وایکی یوز قرق دردنچی ماده- لری موجبنجه اعلام مذ کورك نقصنه ۹ تشرین ثانی سنه ۳۰۷ تاریخنده متفقاً قرار ویریلهرک تفهیم قلندی .

اعلام مذ کورك خلاصه مالى وصی مرقومان دیمتری وانشتاسك برقطعه اعلام شرعى موجبنجه کندولریله وصیلری اولدقلری صغیران مزبوران سلطانجه وصوفجیه والی ومرقوم پترو ایلء مشاعاً متصرف اولدقلری مذ کور قرقه اغاچ قریه سنده معلوم الحدود درت باب دکان وبرباب خانه نك یکرى درت سهم اعتباریلء درت سهى پتری به ومتباقیسی کندولرینه بحسب الوصایه عائد اولدینى حالده مرقوم پتری عقارات مذ کوره یی یکرى بش بیک کسور غروش مقابلنده برطاقم کسانه ایجار ایدرك بدل ایجاری کاملاً اخذوقبض ایتش اولدیفندن بونك حصه مصیبه سی اولان

اولان درت بیک اوچبوز قرق بش غروشك تنزیلله اوست طرفی بولنان یکرى بربیک کسور غروشك اجرای موقته برابر تحصیل ومذ کور خانه ود کانلرك قابل تقسیم ایسه تقسیمى اولدینى صورنده مهابة استعمالی خصوصنك تحت قراره النسنی ادرنه مرکز بدایت محکمه سنه مراجعتله طلب ودعوى واثبات مدعا ضمننده برقطعه بحت شرعی ابراز واعطا ایتلرینه قارشو عند المحاکمه مدعى علیه مرقوم پتری دخی مبرز اعلام شرعى علیه نده اعتراض الغیر طریقله اقامه اولنان دعوى در دست تدقیق اولوب دعوای مبحوت عنه نظام محکمه سنك وظیفه سی خارجنده اولدینى ادعا ایلء کدن صکره ا کال محاکمه ضمننده تعیین قلنان کونده محکمه به کلامسی اوزرینه غیابنده تعیین قلنان وکیل مسخر حضوریلء جریان ایدن محاکمات وتدقیقاتنده منازع فیه خانه ود کانلرك یکرى درت سهم اعتباریلء طرفینك عهدۂ تصرفلرنده اولدینى مبرز بحت شرعی مندرجانبلء تحقق ایتش ویکرى بش بیک کسور غروش بدل ایجارله مدعى علیه مرقوم پتری معلوم الاسامی کسانه ایجار ایدرك بدل ایجاری دخی کاملاً اخذ وقبض ایتدیکی استماع قلنان شهودك شهادت واقعه سیله درجه

نبوته واصل اولش ایسه ده وکیل ابراهیم افندینك مدعى مرقومان دیمتری وانشتاش طرفلرندن کندی حصه لری دعوى ایچون توکیل ایدلدیکنه دائر اولبايدء کی وکالتنامه ده برصرا- حت کوریلء مدیکسندن مرقومانك نفسلرینه متعلق اولان دعاونك ردینه وصغیران مزبورانه عائد بولنان اون بش بیک التی یوز غروش اون پاره بدل ایجارك مدعى علیه پتریدن تحصیلنه ومنازع فیه خانه ود کانلرك حصه لری نسبتنده سکر ای مدعى علیه پتری واون ایکی ای سلطانجه وسکر ای التی وصوفجیه والتیشرای انشتاش ودیمتری نك اقامت ایتلری اقتضا ایدءجكته و کشیده اولنان قرعه شرعیه موجبنجه اولا پتری وثانیا وصوفجیه وثانیا انشتاشه ورابعاً التی به وخامساً سلطانجه به وسادساً دیمتری به اصابت ایلءکله اولوجهله شرکامى مرقومه نك املاک مذ کوره ده اقامت ایدرك انتفاع ایلءلرینه واجرای موقت حقه نده کی طلبلرینك ردینه دائر ویریلان اعلام غیابی اوزرینه اقامه اولنان اعتراض عن الحکم عن فحالی اوزرینه جریان ایدن محاکمه وتدقیقاتنده اوچبوز ایکی سنه سی ابتداسندن تاریخ حکمه د کین ترا کم ایدن وحکم واقمک اجراسی کوننه د کین ترا کم ایدءجك اولان

بدل ایجارک دخی اعلام غیابی مذ کورده محرر نسبت دائره سنده بشقه جه استحصاله وحکم واقمک موقناً اجراسنه دائر اتخاذ قلنان قرار علیهنده مرقوم پتری طرفندن اقامه اولنان استیناف دعوا سندن طولانی جریان ایدن محاکمات و تدقیقات استینافیه نتیجه سنده اصول محاکمه حقوقیه قانوننک یوز طقسان التبعی ماده سی حکمنه توفیقاً اعلام مستأنف به مذ کورک یالکز صغیران مزبوران سلطانیجه و صوفیجه والی حقلرنده کی جهت حکمیه نک تصدیقیله دخی مرقومان دیمتری وانستاشک نفسلرینه متعلق اولان فقره حکمیه نک فسخنه و بدل ایجار اوله رق تحت حکمه النان مبالغه دائر اجرای موقت قرارینک وقفه حکمدن و مستدعی تمیز پترینک اشبو حکم علیهنده لایحه سنده محرر اعتراضاتک خلاصه سی حکمه اساس اتخاذ قلنان بجهت شرعیه نک مضمونیه عمل جائز اولور و نائق شرعیه دن اولوب اولدیفنک و تعلیمات سنیه احکامنه موافق بولنوب بولمادیفنک تدقیق قلنامسی و اداره موقته زماننده منازع فیه املاک حقنده بر اعلام صادر اولمش و بوکا اعتراض التیر طریقیه فسخی اقتضا ایدر ایکن بونک دخی اصلاً نظر اعتباره القامسی واستماع قلنان شهودک شهادت واقع لرینه تعرض

ایدلش ایکن بوخصوصک دخی مسکوت غه بر اقلمسی یولسز و مغایر قانون اولدیفندن بختله اعلامک تقضی استدعاسندن و مدعی علیه دیمتری وانستاشک لایحه سنده مندرج نتیجه اجوبه سی ایسه اعتراضات مسروده نک واهی و بی اساس اولدینی بیانیله ردی و موافق اصول و قانون اولان اعلامک تصدیقی طلبندن وائف البیان مطالعه نامه مآلی ایسه اعتراض علی الحکم عرضحالک قبولیه حکم غیابی قانوناً کائن لم عد اولدیفندن غیاباً جریان ایدن معاملاتک انفساخی اقتضا ایده جکنه نظراً وکیل مسخر مواجهه سنده استماع ایدلش اولان شهودک محاکمه وجاهیه اخیره ده تکرار استماعی لابد اولدینی حالده بوبابده صراحت قانونیه نک فقدانندن بختله تکریر استماعندن صرف نظر اولقمسی مغایر قانون احوال دن بولمش اولدینی بیسانندن عبارت بولمشدر .

ایجابی مذاکره اولندقدن تمیزی طلب اولنان اعلامک نتیجه مفادی مرقومان دیمتری وانستاش و پتری و صغیران سلطانیجه و سائر نک مبرز بجهت شرعیه موجبجه مشاعاً متصرف اولدقاری درت باب دکاترله بر باب خانه نک بر منوال محرر مهابة

صورت استعمال لريله بدل ایجار دن صغیران مزبورانک حصه لرینه اصابت ایدن اون بش بیک الی یوز غروش اون پاره نک مدعی علیه مرقوم پتروندن تحصیلنه و مدعابه مرقومان نفسلرینه متعلق اولان ادعانک ردینسه دائر اولان غیاباً و اعتراض علی الحکم استدعای اوزرینه و جاهاً ادرنه مرکز بدایت محکمه سندن ویریلان اعلامک عند الاستیناف یالکز صغیران مزبوران حقلر نده کی جهت حکمیه نک تصدیقیله وصی مرقومانک نفسلرینه متعلق اولان جهت حکمیه نک فسخنه و بدل ایجار ایچون وضع ایدیلان اجرای موقت قرارینک رفعنه حکمدن عبارت اولسنه نظراً حکم مذکور اسباب موجبیه مستند اوله رق اصول و قانونه موافق بولمادیفنه و مستدعی پترینک تمیزاً سرد ایلدیکی بالاده محرر اعتراضاتیه اعتراضات سائر سی تقض حکمی موجب کوریه مدیکنه بناء ردیه اعلام مذ کورک تصدیقنه وزیرده مفردتی مرقوم یوز یکریمی سکر غروش مصارف تمیزییه نک مستدعی مرقومه ایتمک رجوع اوزره اول امرده مدعی علیه مادن الخمسه ؛ قانون ثانی سنه ۳۱۱ تاریخنده متفقاً قرار ویرلدی .

اماسیه بدایت محکمه سندن ۲۱ اغستوس سنه ۳۰۸ تاریخی و یکریمی طقوز عددی ایله استینافاً ویریلان اعلامک تمیزییه استدعا ایدن لادیق قضاسنک ابی قریه سی اهالی سندن عز الدین اوغلی امراء ایله مدعی علیه قضاء مذ کورک جامع جدید محله سنده ساکن قوجه علی زاده احمد اغایوم معینده دائره به کمدکاری کی جواب لایحه سی دخی کوندولمادیکندن اصول محاکمه حقوقیه قانوننک ایکوز یکریمی طقوزنجی ماده سی موجبجه تدقیقات تمیزییه اجراسنه ابتدار قلندی .

اعلام مذ کورک خلاصه مآلی مزبور احمد اغانک لادیق قضاسنده حاجی علی جفتلیکی داخلنده کائن متصرف اولدینی معلوم الحدود یکریمی الی دوئم مقداری ترلاسنه مرقوم امراء طرفندن وقوع بولان مداخله نک منی حقنده لادیق بدایت محکمه سندن صادر اولان اعلامک اماسیه بدایت محکمه سنججه عند المحاکمه استینافاً بالتدقیق فسخیه جریان ایدن تدقیقات نتیجه سنده منازع فیه اراضنک مرقوم احمدک عهده تصرفنده بولنان سالف الذکر حاجی علی جفتلیکی اراضیسی حدودی داخلنده ایدو کی هیئت کشفه جانبندن اجراقلنان کشف و تحقیقات و استماع قلنان شهودک

شهادتیه ثابت اولسنه مبنی اراضی مذ کوره به
موقوف امرالاهک مداخله سنک منعنه حکمدن
ومستدعی تمیزک اشبو اعلام علیه نه لایحه سنده
محرر باشلوجه اعتراضاتی دعوی واقع حقنه
استماع قلنان شهودک شهادتی شایان قبول اولد
یفی حقنه شهادت واقعیه بنای حکم اولنمی
مغایر قانون اولدیغندن بحثله اعلامک نقضی
استدعاسندن عبارت بولنمشد.

ایجابی لدی المذاکره اعلام مذ کورمندرجا
تندن اکلشلدیفی اوزره دعوی واقع عقاره
متعلق ودعوی عنده خصم ایچون ذی الید
اولسنه کوره اول امرده اراضی منازع فیما
وضع یدک بالینه اثبات ایتدیرلمک لازم کلورکن
محکمه استینافیه جه بوراسندن ذهول ابله ذی الید
اثبات ایتدیرلمکسزین اراضی مذ کوره حقنه
اعطای حکم ایدلمی مخالف قانون اولدیغندن اصول
محاکمه حقوقیه قانوننک ایکی یوز قرق برنجی ماده سی
موجبجه اعلام مذ کورک نقضی ابله قانون مزبورک
ایکیوز قرق دردنچی ماده سنه توفیقاً کیفیتک
یکدن بالرویه اعلامه ربطی ضمننده محکمه مذ کوره به
اعاده سنه وزیره مفرداتی مرقم درت یوز اون درت
بیق غروش مصارف محاکمه نک ایلروده حقسز
حقیقه حق طرفه رجوع ایتک اوزره اول امرده

مستدعی تمیزدن النسنه ۲۴ حیران سنه ۳۱۱
تاریخنده متفقاً قرار ویرلدی .

اطنه بدایت محکمه سندن ۲۱ کانون ثانی
سنه ۳۱۰ تاریخی و یوز طقسان بش عددی ابله
ویریلان اعلامک تمیزنی استدعا ایدن اطنه ده
سرویه زوجیه سی اخصا قادین یوم معینه دائره به
کلدیکی کی مدعی علیه بولنان مالیه خزینة جلیله
سی جانبندن دخی رو کیل کوندیرلمدیکنندن
باش مدعی عمومیلک مأموریت علیه سنک مطالعه
نامه سی التقدن صکره تدقیقات تمیزیه اجراسنه
ایتدار اولندی .

اعلام مذ کورک خلاصه مالی حکومت محلیه
و کلی یورکیادی افندی مزبوره اخصا قادینک
زوجی کشیش اوغلی سرویه نک اوچوز طقوز
سنه سی اعشار بدلندن خزینة جلیله به اولان

دینندن دولای دائره اجرادن بالمزایده سکر بیک
کسور غروش مقابلنده فراغی اجرا ایدلمش
اولان عقاراتک قیمت حقیقیه سی حین بیعده زیاده
بولندیغی بالاخره استیخار قلنمش وایشده غبن
وقوعی محقق بولنمش اولدیغندن بیع واقعک
فسختی طلب ودعوی ایتسنه قارشو مدعی علیها
اخصا قادین غبن وقوعی ادعا اولنان د کاکین
ومغازنه نک اجرا دائره سی معرفتیه علی الاصول
مزایده علیه سی بالاخره عهده سنده تقرر ایدوب
معامله فراغیه سی رسماً ایفا قلندیغندن وغب
فاحش مسئله سی شخصین بیننده وقوعبوله حق
بیع وشراده جاری اولوب بومثللو مزایده
صورتیله وقوعبولان مبايعاته شمولی اولدیغندن
بحثله سرد مدافعه ایتمش وعقارات مذ کوره به
تقرر قیمت ایدن وبرز شهادتنامه ده اسامیسی
محرر بولنان ارباب وقوفک خزینة و کلی
جانبندن محکمه به کتورلمک اوزره تعیین قلنان
کونده مدعی علیها مزبوره اخصانک اجابت
ایتمامی حمیلله وکیل مسخر حضوری وارباب
وقوفک استماعیه غیاباً جریان ایدن تدقیقات
نتیجه سنده املاک منازع فیما نک حین فراغنده
قیمت حقیقیه سی عندالمزایده تقرر ایدن بدله نسیله
خسندن زیاده بولندیغی تحقق ایتدیکنسه وحقوق

خزینة بیت المالندن معدود ویت المال ایسه مال
یتیم حکمده اولوب مجله نک اوچوز الی التجی
ماده سنک فقره اخیره سی منطوقیه تقرر بولنسنه
بیله غبن دعواسنک استماع ایدیلجه کی درکار
بولنمغه برابر ایشده غبن وقوعی متحقق اولدیغنه
بناءً بیع واقعک فسختیه مدعی علیها طرفندن
ویریلان مبالغه اعاده سیله برابر املاک مذ کوره نک
یکیدن مزایده سنه مع اجرای موقت حکمدن
ومستدعی نک اشبو حکم علیه نه لایحه سنده
مندرج اعتراضاتک باشلوجه سی علی الاصول
دائره اجرادن بالمزایده فروخت اولنان بیع
حقنه غبن دعواسی استماع قلنه میه جفی بدیهات
امور دن ایکن برمنوال مشروح حکم اولنمی
مغایر اصول وقانون بولندیغندن بحثله اعلام
مذ کورک نقضی استدعاسندن و مدعی علیه خزینة
جلیله وکیلک لایحه سنده مندرج نتیجه جوابی
املاک منازع فیما عادت بلده وجهله مزایده
اولنقسزین فراغ ایدلمش اولمغه وقوعی تحقق
ایدو کی بیانیه اعتراض مذ کورک ردیه موافق
قانون اولان اعلامک تصدیق طلبندن ومطالعه
نامه مالی دخی بیعنده غبن وقوعی ادعا اولنان
مبع بدل التزام مقابلنده خزینة بدنده مرهون
اولدیغی حالده علی الاصول موقع مزایده به وضع

اوله رق رغبات ناسك انقطاعي حسييله مشرتي
اخصا قادين عهده سنده تقرر ايتمكه معامله
بيعه سي اجرا ايدلمش اولمسنه وبو كبي موقع
رسميدن بلزايده فروخت اولنه حق مبيع حقنده
غبن دعوا سي مجاز اوله ميه جفته مبنى اعتراضات
واقعك موافق قانون اولديني بيانندن عبارت
بولمشدر .

ايجابي لى المذاكره اعلام مذ كور مآلندن
منفهم اولديني اوزره بيعده غبن وقوعى ادعا
اولسان بيع بدل التزام مقابله خزينه يدنده
مرهون اولديني حالده على الاصول موقع مزايده يه
وضع اوله رق رغبات ناسك انقطاعي جهته مشرتي
اخصا قادين عهده سنده تقرر ايتمكه معامله
فراغيه سي اجرا ايدلمش اولمسنه وبو كبي موقع
رسميدن بلزايده فروخت اولنه حق مبيع حقنده

ما بعدى وار

اعلان

بيك اوچيوز اون سنه سي اغستوسك يكرى
اوچنجي صالى كوني از ميه تايچ چاپر كوى
جوارنده قره مانلى نام موقعده قياس ناحيه سي
اهاليسندن ولى اوغلى على يي جرح وقتل ايتديكي
ادعا قلمسندن دولاي مظنون اولوب حال
فرارده بولسان ودر سعادت هيئت اتهامينه سندن
بالاتهام حقنده اخذ و گرفت مذ كره سي و يرلمش
اولان اوزون بويلى قرال صاج و قاشلى سپاه
كوزلى عادتا آغز و برونى يكرى التى ياشلرنده
اذميدك چيوقلى عثمانيه قريه سندن نعلبند اوغلى
محمد الان اله كچوريه مامش اولديغندن اصول
محاكات جزائيه قانونك اوچ يوز يتمش برنجي
ماده سنه توفيقاً قانونه اطاعته محكمه يه كلك اوزره
تاريخ اعلاندن اعتباراً فرارى مرقومه جانب
رياستدن اون كون مهل و يرلمش اولغله مدت
مذ كوره ظرفنده محكمه يه كلكي حالده قانونه
اطاعت ايتماش نظريه باقيله رق محاكمه سي غياباً

اتهاميه دن جنايته اتهامنه قرار و يرلمسندن ناشي
اصول محاكات جزائيه قانونك اوچ يوز يتمش
برنجي ماده سي موجبجه معامله مقتضيه ايفاء محاكمه
عليه سي بالاجرا قانون جزائك يوز يتمش در دنجي
ماده سنك فقره اوليسنه توفيقاً اون بش سنه مدته
كور كه قونلمسنة و اوتوز برنجي ماده قانونيه
حكمنجه حقوق مدنيه دن اسقاطيله اموالك
جزينه محكمه جنايتدن غياباً حكم اولمش و ذ كر
اولنان اصول محاكات جزائيه قانونك اوچيوز
يتمش يدنجي و اوچيوز يتمش سكرنجي و اوچ يوز
سكسان برنجي ماده لريله مواد سائر سي احكامنه
توفيق معامله اولمسي مرجعه بيلديرلمش اولغله
اعلان كيفيه ابتدار قلندى .

۹ ذى القعدة سنه ۳۱۵

۱۹ شباط سنه ۳۱۴

بالاجرا حقوق مدنيه دن اسقاط و اموالى جز
ايديله جكي و بوانساده مرقومك اقامه دعوايه
حق اوله ميه جفي كبي مرقومك بولنديني على
بيلنلر خبر و يرمه و بالجله ضابطه عدليه مأمور
لرينك مرقومى در دست ايتمكه مجبور بولندقلرى
بيانيله اعلان كيفيت اولنور .

۲۱ مارت سنه ۳۱۴

اوچيوز اون ايكي سنه سي تموزينك برنجي
كونى بك اوغلنده دولاب دره سنده ليغورى
قتل ايتديكي ادعاسيله مظنون اولان قيصة بويلى
الا كوزلى اسمر چهره لى تريبه قلى سپاه قاش
وصاحلي و عادتا آغز و برونى تخميناً يكرى
ياشلرنده چالغجي بغوص نام شخص فرار ايتمسنندن
و حقنده اجرا قلنان تحقيقات لازمه اوزرينه هيئت

اوج يوز اون ايكي سنه سي قانون اولك
ايكنجي بازار ايرتسي كيجه سي قلفه قريه لي ايرني
بت فرنكول نام قادي زقاده جرح وقتل
ايلديكي ادعاسيله مظنون عليه اولان قيصة بويلى
الا كوزلي ضعيف بكزلي صاري قاش وصاچلي
تخمينا يكرمي ياشلارنده قريه مرقومه لي پاله استاوري
فرار ايتسندن واجرا اولنان تحقيقات اوزرينه
هيئت اتهاميه دن جنائتله اتهامه قرار ورتسندن
ناشي اصول محاكات جزائيه قانونك اوج يوز
يتمش برنجي ماده سي موجبنجه معامله مقضيه
ايضا ومحسامة علميه سي بالا جرا قانون جزانك
يوز يتمش دردنجي ماده سنك فقره اوليسنه توفيقاً
اون بش سنه مدته كور كه قولمسنه واوتوز
برنجي ماده قانونيه منطوقجه حقوق مدنيه دن
اسقاطيله امواللك جزينه محكمه جنابتدن غيابة
حكم اولغش وذك اولنان اصول محاكات
جزائيه قانونك اوج يوز يتمش يدنجي واوج يوز
يتمش سكرنجي واوج يوز سكسان برنجي ماده لربله
مواد سائرهمي احكامنه توفيق معامله اولغسي
مرجعنه بيلدبرلش اولغله اعلان كيفيته ابتهدار
قلندي .

۴ ذى القعدة سنه ۳۱۵

۱۴ مارت سنه ۳۱۴

۱۹ مارت سنه ۳۱۴

امير خانك متوفى محمد كامل افندي ذمتنده
محكوم به الاجبي اولان معلوم المقدار مبالغك
تأمين استيفاسي ذمتنده دايته مزبور عهده
تصرفنده بولنان در سعادته قبان دقيقه خواهجه
خليل عطار محله سنك قوري چشمه زقاغنده
يكرمي طقوز نومرو ايله مرقم فوقاني وتحتاني
طقوز اوطة بر مطبخ وبر مقدار اجقلفي مشتمل
بر باب ملك خانه ده متوفاي مومي اليه ورته سنك
انتقالاً متصرف اولدقلى برنك حصه شايه لري
لدى المزايده دوت بيك غروش بدل ايله طالبي
عهده سنده تقرر ايتش اولديغندن تاريخ اعلاندن
اعتباراً اوتوز بر كون ظرفنده يوزده بش ضميمه
طالب اوللرك بك اوغلي بدايت محكمه سي اجرا
دائرة سنه مراجعت ايتلري اعلان اولنور .

۲۱ مارت سنه ۳۱۴

بوياجي اوغلي عليكساندرك صاري يارده مقيم
قوقوز اوغلي حسني اغا ذمتنده الاجبي اولان
سكسان ليرانك تحصيليله مبلغ مذكوره مقابل
صاري يارده دره بوينده كائن اولوب رهن ايتش
اولديني بر باب خانه ك فروخته دائر استحصا
ايتش اولديني اعلام حكمي حقوقه طوقنديغندن
بجمله عساكر شاهانه طويجي بيكباشيلردن جمال
افندي طرفندن مرقومان عليكساندر وحسني اغا
عليه لرينه بك اوغلي بدايت محكمه سي ايكنجي
حقوق دائره سنده اقامه اولنان اعتراض الغيردعوا
سندن طولاي اصولاً يازيلان دعوتنامه مرقوم
حسني اغانك صاري يارده دره زقاغنده يكرمي اوج
نومرولو اقامتگاهنه كوندرلديكي حاليه مرقومك
بوندن التي سنه مقدم اقامتگاهني ترك ايدرك قنني
محله كيتيديكي مجهول اولديني صاري يار محله سي
امامي طرفندن مزبور دعوتنامه ظهرينه شرحله
تمهيد ايدلش ومعرض مومي اليه دخي مرقومك
معين براقامتگاهي اولديغني سويلمش ودعواي
مذكورك رؤيتي اوج يوز اون اوج سنه سي
مارتنك اوتوزنجي بازار ايرتسي كونه قرار
لشديريله رق اولبابده تنظيم قلان برقطعه دعوتنامه

اصول محاکمه حقوقیه قانونک یکرمی التبعی
ماده سی حکمنه توفیقاً محکمه دیوانخانه سنه تعلیق
قلنمش اولدیغندن یوم مذکورده ساعت الی
راده لرنده مرقوم حسنی اغلک بالذات محکمه
مذکورده یدیکدی ویا طرفندن مصدق بر وکیل
کوندرمدیکی حالده حقنده معامله قانونیه اجرا
اولنه جنی معلوم اولمق اوزره اعلان کیفیته ایدار
قلندی .

۱۱ ذی القعدة سنه ۳۱۵

۲۱ مارت سنه ۳۱۴

فواد بکک مصطفی زهنی افندی ذمتده
محکوم به الاجنی اولان مبالغک تأمین استیفاسی
ضمننده سلیمانیه ده خواجه حمزه محله سنده کمراتی
زقاغنده واقع اون بر نومرولی خانه سی داین
موسی الیهک وقوعبولان طلب واستدعا اوزرینه
تحت حمزه التمش اولمغله تاریخ اعلاندن اعتباراً
اون بش کون صکره بالمزایده فروخته تشبث

اولنه جنی بک اوغلی اجرا مأموریتی جانبندن
اعلان اولنور .

۲۳ ایلول سنه ۳۲۳

یانی مارولینک پنا یوطی قانیقوس نام کسنه یه
بااعلام محکوم به دینی اولان مبالغ معلومه نک
تأمین استیفاسی ضمننده بک اوغلنده قول اوغلی
محله سنده ترازو زقاغنده متصرف اولدینی ۲۳
نومرولی فوقانی و تحتانی اون اوطه بی مشتمل
برباب خانه سی بک اوغلی بدایت محکمه سی ریاست
اولیسی جانبندن اعطای بیوریلان قراره توفیقاً
تحت حمزه التمش اولمغله تاریخ اعلاندن اعتباراً
اون بش کون صکره بالمزایده فروخته تشبث
اولنه جنی بک اوغلی بدایت محکمه سی اجرا
مأموریتی جانبندن اعلان اولنور .

۱۹ مارت سنه ۳۱۴

(مطبعة حاصره ده طبع اولمشدر)